

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

- प्रधानमंत्री नरेंद्र मोदी होर अज्ज बड्डलै 11 बजे अपने रेडियो कार्जक्रम “मन की बात” राएं देश-विदेश च रौहने आहले श्रोताएं कन्नै अपने विचार सांझे करडन।
- मुखमंत्री उमर अब्दुल्ला होरें राष्ट्री न्यायिक सेवा प्राधिकरण दी बैठका च रक्षा कर्मिं ते जनजातीय समुदायें लेई न्याय ते कनूनी सहायता यकीनी बनाने दा आह्वान कीता ऐ।
- उपमुखमंत्री सुरिंदर चौधरी होरें चिरें रातीं उपजिला अस्पताल आर.एस.पुरा दा चानचक्क दौरा कीता, मरीजें दी सेही दिक्खभाल ते स्वच्छता बनाई रखने दा निर्देश दिता।
- जम्मू थमां अमरनाथ जात्रिं दा इक होर जत्था अज्ज सख्त सुरक्षा बंदोबस्तें हेठ घाटी लेई रवाना होआ।
- ते सरकारें अस्पतालें च सब्भनें डॉक्टरें ते नीम डॉक्टरी अमले लेई वर्दीं ते नेम प्लेट लाना लाजमी करी दिता ऐ।

<><><><><><>

प्रधानमंत्री नरेन्द्र मोदी अज्ज बड्ढलै 11 बजे अपने माहवार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एह इस कार्यक्रम दी 124मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी आसेआ मन की बात दे तुरत मगरा एहदा डोगरी भाशा च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ। आकाशवाणी दा क्षेत्रीय समाचार एकांश जम्मू अज्ज रातीं साड्ढे 10 बजे “मन की बात” पर इक बशेश परिचर्चा बी प्रसारत करोग जेहदे च स्हाढ़े मेहमान होडन वरिश्ठ पत्रकार प्रदीप दत्ता ते इंदे कन्नै गल्लबात करडन न्यूज़ एन्कर विजय बजाज।

<><><><><><>

### CM-Legal Aid

मुख्यमंत्री उमर अब्दुल्ला होरें आखेआ जे रक्षा कर्मियें ते जनजातीय समुदायें गी इंसाफ ते कनूनी मदाद प्रदान करना स्हाढी सांझी जिम्मेदारी ऐ। मुख्यमंत्री नै एह गल्ल श्रीनगर दे एस.के आई.सी.सी च राश्ट्री न्यायिक सेवा प्राधिकरण (नालसा) दे उत्तर खेतरी सम्मेलन गी संबोधित करदे होई आकखी। कार्जक्रम दे दुरान उनें सेना दे कैपें च कनूनी मदाद, न्यांs तगर प्रौद्योगिकी आधारित पुज्ज दी वकालत कीती ते बधाए गेदे वित्त पोषण, स्कूलें, स्वास्थ सेवा ते अनुसंधान दे राहें जनजातीय कल्याण दे महत्व पर जोर दिता। उनें जोर देइयै आखेआ जे विकास दे कन्नोकन्नी इंसाफ बी थहोना लोड़चदा ऐ। उनें समावेशी कनूनी साक्षरता ते नुमायंदगी दे राहें प्रणालीगत कनूनी रुकावटें गी दूर करने दा आग्रह कीता।

<><><><><><>

## Cy-CM R.S. Pura

उपमुख्यमंत्री सुरिंदर चौधरी हों मरीजें आस्तै दस्तयाब सेहत सुविधाएं दा जायजा लेंदे होई आर.एस.पुरा दे उपजिला अस्पताल दा चिरें रातीं निरीक्षण कीता। उनें उत्थें दिती जाने आहलियें सेवाएं दा आंकलन करने आस्तै अस्पताल दे बक्ख-बक्ख वर्गे दी समीक्षा कीती। अपने दौरें दरान उनें मरीजें ते उन्दे तीमारदारें कन्नै गल्ल करदे होई इलाज दी गुणवत्ता ते सब डिस्ट्रिक्ट अस्पताल च उपलब्ध होरनें सेवाएं दे बारे च जानकारी किट्ठी कीती। उपमुख्यमंत्री हों उनेंगी यकीन दोआया जे सरकार ग्राई खेतरें च सेहत दिक्खभाल सुविधाएं गी बदाने गी तरजीह देआ'रदी ऐ तां जे बसनीके तगर उं'दी पुज्ज यकीनी बनी सकै। इस मौके पर बोलदे होई उपमुख्यमंत्री हों आखेआ।

<><><><><><>

## MoS-Bani

केंद्री मंत्री डॉ. जितेंद्र सिंह हों कल बनी च लोकें दिएं दिक्कतें-शकैतें गी सुनने गितै इक जनता दरबार लोआया जेदे च इलाके दे कई प्रतिनिधिमंडलें विकास सरबन्धी कई महत्वपूर्ण मुद्दे उन्दे अग्गे रक्खे। इस मौके पर किट्ठ गी संबोधित करदे होई जितेंद्र सिंह हों आखेआ जे प्रधानमंत्री नरेंद्र मोदी हुं'दी अगुवाई आहली सरकार दूर-दरेडे, पहाड़ी ते पिछड़े दे इलाकें च बुनियादी ढांचे गी निग्गर बनाने लेई पूरी चाल्ली दृढ संकल्प ऐ। उनें आखेआ जे भारत माला परियोजना तैहत

देसै दे दूरदरेडे पहाड़ी इलाकें गी बी बेहतर सड़क राबिते ते पुलें राएं प्रमुख शैहरें-नगरें कन्ने जोड़ेआ जा करदा ऐ।

<><><><><><>

### Kisan Mela Kishtwar

किश्तवाड़ जिले दे गांs छात्रू च इक रोजा करसान मेला ते प्रदर्शनी लग्गी जेदे च 300 कोला मते करसानें दी शमूलियत होई। माइवाह सब डिविजन दे राई-बाई मैहकमे आसेआ आयोजित इस कार्यक्रम च स्टाल, प्रदर्शन कन्ने सिखलाई, आधुनिक राई-बाई, बागवानी, पशुपालन ते होरनें सरबंधत खेतरें पर माहिरें दी सलाह शामिल ही। इंद्रवाल विधानसभा क्षेत्र दे विधायक प्यारे लाल होरें इस पैहल दी सराहना कीती ते करसानें दे कल्याण आस्तै सरकार दे समर्पण पर लौs पाई। करसानें जानकारी देने आहले सत्रें ते समर्थन दी सराहना कीती। इस बारे होर जानकारी दिंदे होई सब डिविजनल एग्रीकल्चर अफसर माइवाह ते किसान खिदमत घर दे प्रमुख के.के कौल होरें आखेआ।

<><><><><><>

ते हुन बाकि दिएं खबरें कन्ने जगमोहन शर्मा।

### Amarnath-Yatra

सालाना श्री अमरनाथ जी दी जातरा रमानदारी आहले ढंग्गै सिर जारी ऐ। सख्त सुरक्षा बंदोबस्तें हेठ जम्मू दे भगवती नगर आहले आधार शिविर थमां 2 जहार 197 श्रद्धालुएं दा जत्था 100 गड्डिएं दे काफले च अज्ज बड्डलै जातरा आसतै घाटी लेई रवाना होआ। श्री

अमरनाथ जी दी जातरा लेई रवाना होए दे इस जत्थे च 1 जहार 764 मर्द, 365 महिलां, 9 बच्चे, 49 साधु ते 10 साध्वियां शामिल हियां। इन्दे चा 573 श्रद्धालु बालटाल लेई ते 1 जहार 624 श्रद्धालु पहलगाम लेई रवाना होए जिथुआं ओह पवित्र गुफा लेई अपनी जातरा शुरू करडन। जातरा गी लेइयै श्रद्धालुएं च बड़ा उत्साह दिक्खने गी लब्बा।

<><><><><><>

### Ayush-Ramban

इस्सलै चला'रदी श्री अमरनाथ जातरा दी पच्छौककड़ै च आयुष मैहकमा रामबन आसेआ श्रद्धालुएं गी सेहत स्हूलतां उपलब्ध करोआने लेई मेडिकल कैंप लाए गे न। इनें कैंपें च मुफ्त जांच, दोआइयां, आयुर्वेद योग ते होर दुइयां सेहत सेवां प्रदान कीतियां जा'रदियां न। एह पैहलकदमी रामबन जिला प्रशासन आसेआ राष्ट्रीय जरैनली शिड़क एन-एच-44 पर सफर करने आहले तीर्थ जात्रुएं दी भलाई-बेहतरी यकीनी करने लेई कीती गेदी ऐ। इनें कैंपें दा मकसद समग्र सेहत स्हूलतें दी उपलब्धता यकीनी करना, मुफ्त सेहत जांच ते दोआइयां बगैरा उपलब्ध करोआना ऐ। इस बारै होर जानकारी दिंदे होई सीनियर मेडिकल अफसर ते जिला योग कोआर्डिनेटर डॉ. मसूद इकबाल जर्गर होरें आखेआ।

<><><><><><>

### Health Min Aprons

सेहत मंत्री सकीना इत्तू हुंदे आसेआ जारी दिशा-निर्देशें मूजब सभनें डॉक्टरें ते नीम डॉक्टरी अमले लेई अपने-अपने अस्पतालें जा सेहत हदारें च इयूटी दरान चिट्टे रंग दा एप्पन पाई

रखने ते अपने नां ते औहदे दी नेमप्लेट लाई रखना लाजमी करी दिता गेआ ऐ। हुकमै मूजब इस नियम तैहत राश्ट्री सेहत मिशन यानि एन.एच.एम ते आयुष दे डाक्टर बी औडन। सेहत इदारे दे अध्यक्षें ते मेडिकल सुप्रीटेंडेंट गी निर्देश दिता गेआ ऐ जे ओह इस हुकमै दी सख्ती नै पालमा गी यकीनी बनान। एह फैसला दस्सेआ जा'रदा ऐ जे हाल च किश सेहत इदारे च डॉक्टरें आसेआ वर्दी नेई लाई दी होने कारण मरीजें गी पेश औने आहलियं दिक्कतें गी ध्यानै च रखदे होई लैता गेआ ऐ। सकीना इतू होरें आखेआ।

<><><><><><>